



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1709. usque ad annum 1714

**Fleury, Claude**

**August. Vind. [u.a.], 1782**

**VD18 90119266**

§. 112. Variæ Clementis Papæ Constitutiones & literæ ad diversos.

---

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII. & dolumus, quemadmodum par erat, usque  
 A. C. 1712. tam Ecclesiam istam vigili orbatam Antijhite,  
 quam Sacrum Cardinalium Collegium hanc  
 levi præsidio atque ornamento destitutum.

## §. CXII,

*Varie Clementis Papæ Constitutio-  
 nes & Epistolæ ad diversos.*

*Bull. magn.  
 Const. Clem.  
 XI. Epist.  
 ejusdem  
 pag. 1628.*

Cum gravissimæ identidem causæ,  
 dubia, & lites ad Apostolicum tri-  
 bunal deferrentur, Pontifex pastoralis  
 sui officii partes sedulo interponens va-  
 rias edidit Constitutiones & decreta,  
 ac primo quidem die undecima Maij  
 Carthusianis sub anathematis poena in-  
 hibuit, ne cuicumque personæ etiam  
 Cardinali in Monasteriis suis vesci car-  
 nibus permittant: Nuntiatum erat  
 Pontifici, quod Calvinistæ in oppido  
 Porceti prope Aquisgranum necnon in  
 Ducatu Limburgensi necquicquam re-  
 clamante Abbatissa loci Domina, sectæ  
 suæ exercitium invehere molirentur,  
 hinc Carolum Cæsarem die vigesima  
 Februarii & Joannem Guilielmum Pa-  
 latinum Electorem die octava Aprilis  
 anni sequentis rogabat, quatenus eo-  
 rum conatibus eo promptius obsiste-  
 rent, quo laudabilius Josephus Impera-  
 tor idem eis jam inhibuisset, imo &  
 Templum ab illis exstructum solo æquari  
 jussi-



jussisset, quamvis eo immatura morte Sæc. XVIII.  
 sublato pia illius mandata effectu ca- A. C. 1712.  
 ruerint. Die autem decima quinta  
 Martii ad novum Æthiopiæ Regem li-  
 teras dedit, quibus eidem significabat,  
 quod ejus Prædecessor ingens fidem  
 Catholicam amplectendi, totamque  
 Nationem a schismate revocandi desi-  
 derium testatus fuerit, morte tamen  
 præventus, illud exequi haud potue-  
 rit, eapropter novum Regem adhorta-  
 tus est, ut bene cæptam unionem per-  
 ficiat, Catholicam religionem in sua  
 ditione tueatur, Virosque Apostolicos  
 a Papa ablegatos benigne excipiat:  
 idem etiam negotium Æthiopiæ Archi-  
 episcopo & Abbati Generali Monacho-  
 rum Æthiopiæ Ord. S. Antonii enixius  
 commendabat. Insuper querulas lite-  
 ras ob immunitatem & jurisdictionem  
 Ecclesiasticam in Hispaniis violatam  
 dedit die prima Aprilis ad Franciæ &  
 Hispaniæ Reges, denuntians, se re-  
 mediis per Sacros Canones constitutis  
 usurum, nisi quantocius illatæ injuriæ  
 repararentur: pariter Petrum Rubinet  
 Jesuitam Philippi Regis Hispani Con-  
 fessarium monuit, ut hac in re mini-  
 sterium suum non negligat, nec nimio  
 plus humanis rationibus tribuens con-  
 ticescat. Equidem Universitas Dua-  
 censis pro extirpandis Jansenii erroribus,  
 G g 5 binis



Sæc. XVIII.

A. C. 1712

binis decretis die prima Octobris Anno 1710. & vigesima secunda Januarii anno priori sanxerat, ut quicumque ad hujus Universitatis Cathedras assumerentur, prius formulæ Alexandri VII. juxta Constitutionem *Vineam Domini* subscriberent, ast Jansenistæ Magistratum adiere, exponentes, quod subscribendi obligatio sit conscientiarum carnificina, & usitatus speciosusque doctiores Viros ab Universitate excludendi, & Molinistas subrogandi obtentus, necnon iniquum esset onus Belgarum libertati & privilegiis, atque Universitatis statutis repugnans. His rationibus, quas sane non omnino veritati dissonas agnovit, Magistratus per motus utrumque decretum abrogari jussit: Pontifex vero, cum Catholicam fidem inde periclitari crederet, die secunda Aprilis Moguntinum Archiepiscopum, Palatinum Electorem & Principem Eugenium impulit, ut hæc decreta ad orthodoxæ Religionis integritatem servandam maxime necessariam debitæ executioni demandari curarent. Duacenses vero Rectores monuit, ut Magistratui insidias & turbulentorum hominum, quorum astu ad abolendam hanc subscriptionem adductus fuisset aperiant. Hi etiam Pontificis monitionem gerentes, sacræ Sedis definitio-



tionibus & præceptis firmiter adhæ- Sæc. XVIII.  
 rere decreverunt, propterea a Papa A. C. 1712.  
 plurimum commendati. Principem  
 vero Eugenium Pontifex meritis or-  
 nabat laudibus, eo quod ejus potissi-  
 mum auctoritate Quesnelistarum au-  
 dacia fuerit cohibita. Petierant Tru-  
 xellensis, aliique Indiarum Orienta-  
 lium Episcopi, ut in primo affinitatis  
 etiam ex copula licita provenientis  
 gradu dispensare possent. Ast Ponti-  
 fex audito S. Congregationis suffragio  
 ejusmodi facultatem denegavit die no-  
 na Aprilis datis desuper ad hos Præ-  
 fules, & P. Ludovicum de Andrada  
 Jesuitam Missionarium literis: Sub idem  
 tempus quidam æmuli per summam  
 calumniam Joanni Lusitano Regi per-  
 scripserant, quod Carmelitæ Excal-  
 ceati, qui ab antiquis temporibus in  
 civitate Goana conventum habuerunt,  
 tot Religiosos, quot ad Regularem ob-  
 servantiam & disciplinam ibidem fo-  
 vendam necessarii forent, in præfato  
 Conventu, necnon in Hospitio in Civi-  
 tate Dium non habuissent, Rex huic  
 commento faciles præbens aures, Goa-  
 num Monasterium Presbyteris Congre-  
 gationis S. Philippi Nerii, & Diunense  
 Hospitium Regularibus Ordinis S. Joan-  
 nis de Deo attribuit, *reservato tamen*  
*Apostolico Beneplacito*, Pontifex vero  
 ex-



Sæc. XVIII expenso, qua par est, sedulitate hoc  
 A. C. 1712. negotio hanc concessionem non appro-  
 bavavit, eoquod nulla justa & legitima  
 occurreret ratio hos Conventus Car-  
 melitis eripiendi, cum *hi tres Religiosi*  
*jam submiserint, eorumque numerum ita*  
*augeri constituerint, ut Divinis officiis per-*  
*solvendis, ac Regularibus muniis satis sint,*  
 & Carmelitæ tam Conventu quam Ho-  
 spitio maxime indigeant, cum uterque  
 locus ad obeundas ulteriores in Indiis Apo-  
 stolicas Missiones & orthodoxam fidem  
 propagandam, quemadmodum præclare fa-  
 ciunt, oppido utiles & commodi sint. Ea-  
 propter Pontifex die decima quarta  
 Maij Regem & Reginam, necnon Tar-  
 gensem Episcopum Lusitaniæ Inquisi-  
 torem enixe requisivit, ut Carmelitis  
 utrumque Conventum, amotis exteris,  
 restitui quamprimum curarent. Com-  
 pererat insuper Pontifex, quod Prussæ  
 Regis nomine in Cliviensi & Juliacensi  
 ditione nuperrime bina fuerint promul-  
 gata edicta, quorum primo universis  
 Catholicis mandatum, ut cuncta B. V.  
 festa, necnon festum S. Joannis Baptistæ  
 deinceps in die Dominica præcedenti  
 vel subsequenti celebrent, altero vero  
 cunctis Beneficia quæcunque Ecclesia-  
 stica obtinentibus præceptum, ut sui  
 quisque Beneficij vel muneris Eccle-  
 siastici confirmationem ab ipsomet Aca-  
 tholico



tholico Principe, eo modo, quo a Ca- Sæc. XVIII.  
 tholicis Episcopis petitur, omnino pe- A. C. 1712.  
 tant, & si intra bimestre non obtempe-  
 raverint, eos uti tales non esse habendos. Equidem Joannes Guilielmus Palatinus Elector utrumque hoc edictum abrogari, datis ad præfatum A-catholicum Principem, Carolum Imperatorem, aliosque Germaniæ Principes & Antislites literis urgebat, imo rem eo usque jam perduxit, ut eodem adhuc anno festum B. V. in cælos assumptæ consueta die fuerit celebratum, nihilominus Pontifex, ne suis partibus deesse videretur, die decima septima Septembris Hispaniæ & Poloniæ Reges, Electores Ecclesiasticos, Germaniæ Archiepiscopos & Episcopos, necnon Cardinales Lambergium, Schratzenbachium, & Saxo-Citiensem sollicitabat, ut omnia demum studia, auctoritatem & officia ad utriusque edicti abrogationem impetrandam impenderent. Nec suo effectu caruere horum officia; Carolus enim Imperator sua auctoritate tantum effecit, ut utrumque edictum ab A-catholico hoc Principe revocaretur; quocirca Pontifex die decima quarta Novembris Caroli Cæsaris Zelum pietatemque promeritis deprædicabat encomiis. Denique die vigesima septima Martii Pontifex in  
 caussa



Sæc. XVIII. caussa Beatificationis V. Joannis Francisci Regis S. J. declaravit, constare de ejus virtutibus tam Theologicis quam cardinalibus in gradu heroico, in caussa vero V. Joannis de Prado Ord. S. Francisci constare de Martyrio & caussa Martyrii, necnon de uno miraculo tertii generis.

## §. CXIII.

*Sacrarum Congregationum Constitutiones & decisiones.*

*Bull. Clem.  
part. 2.  
Const. p. 17.*

Auctoritate insuper Apostolica sacrae Romanæ Congregationes plura ediderunt decreta, & dubiorum decisiones, & quidem die decima quinta Martii ex Pontificis mandato prohibitum, ne a quibuscunque Sacerdotibus in feria sexta Parasceves occasione Annuntiationis B. V. in quavis Ecclesia vel Oratorio Sacrum solemne vel Missa privata celebretur, vel Ecclesia propterea ornatur, in feria quinta autem & Sabbato sancto non nisi Missa Conventualis, nulla vero privata celebretur. Ad dubia vero a Canonicis Ecclesiæ Cathedralis Pisaurrensis proposita die secunda Julii S. Congregatio Rituum respondit, quod si in diem Sabbati concurrant festum Dedicationis Cathedralis cum officio S. Raymundi Nonnati